

發大誓願第六

壹、彼土眾生功德莊嚴願

<p>二、我作佛時。十方世界。所有眾生。令生我刹。3.皆具紫磨真金色身。4.三十二種。大丈夫相。端正淨潔。悉同一類。5.若形貌差別。有好醜者。不取正覺。</p>	<p>3.「身悉金色願」 4.「三十二相願」 5.「身無差別願」</p>
<p>三、我作佛時。所有眾生。生我國者。6.自知無量劫時宿命。所作善惡。皆能7.洞視。8.徹聽。知十方去來現在之事。不得是願。不取正覺。</p>	<p>6.「宿命通願」 7.「天眼通願」 8.「天耳通願」</p>
<p>四、我作佛時。所有眾生。生我國者。9.皆得他心智通。若不悉知億那由他百千佛刹。眾生心念者。不取正覺。</p>	<p>9.「他心通願」</p>
<p>五、我作佛時。所有眾生。生我國者。10.皆得神通自在。波羅蜜多。於一念頃。不能超過億那由他百千佛刹。11.周遍巡歷。供養諸佛者。不取正覺。</p>	<p>10.「神足通願」 11.「遍供諸佛願」</p>
<p>六、我作佛時。所有眾生。生我國者。遠離分別。諸根寂靜。12.若不決定成等正覺。證大涅槃者。不取正覺。</p>	<p>12.「定成正覺願」</p>
<p>十五、我作佛時。28.國中無不善名。所有眾生。生我國者。皆同一心。29.住於定聚。永離熱惱。心得清涼。30.所受快樂。猶如漏盡比丘。31.若起想念。貪計身者。不取正覺。</p>	<p>28.「國無不善願」 29.「住正定聚願」 30.「樂如漏盡願」 31.「不貪計身願」</p>

貳、國土功德莊嚴願

十九、我作佛時。國中萬物。39.嚴淨光麗。形色殊特。窮微極妙。無能稱量。其諸眾生。雖具天眼。有能辨其形色。光相。名數及總宣說者。不取正覺。

39. 「莊嚴無盡願」

二十、我作佛時。40.國中無量色樹。高或百千由旬。道場樹高。四百萬里。諸菩薩中。雖有善根劣者。亦能了知。41.欲見諸佛淨國莊嚴。悉於寶樹間見。猶如明鏡。睹其面像。若不爾者。不取正覺。

40. 「無量色樹願」

41. 「樹現佛刹願」

二一、我作佛時。所居佛刹。廣博嚴淨。光瑩如鏡。42.徹照十方無量無數。不可思議。諸佛世界。眾生睹者。生希有心。若不爾者。不取正覺。

42. 「徹照十方願」

二二、我作佛時。下從地際。上至虛空。宮殿。樓觀。池流。華樹。國土所有一切萬物。皆以無量寶香合成。43.其香普熏十方世界。眾生聞者。皆修佛行。若不爾者。不取正覺。

43. 「寶香普熏願」

參、法身功德莊嚴願

一、我若證得無上菩提。成正覺已。所居佛刹。具足無量不可思議功德莊嚴。1.無有地獄。餓鬼。禽獸。蜎飛蠕動之類。所有一切眾生。以及焰摩羅界。三惡道中。來生我刹。受我法化。悉成阿耨多羅三藐三菩提。2.不復更墮惡趣。得是願。乃作佛。不得是願。不取無上正覺。

1. 「國無惡道願」

2. 「不墮惡趣願」

七、我作佛時。13.光明無量。普照十方。絕勝諸佛。勝於日月之明。千萬億倍。若有眾生。見我光明。14.照觸其身。莫不安樂。慈心

13. 「光明無量願」

作善。來生我國。若不爾者。不取正覺。	14. 「觸光安樂願」
八、我作佛時。15.壽命無量。16.國中聲聞天人無數。壽命亦皆無量。假令三千大千世界眾生。悉成緣覺。於百千劫。悉共計校。若能知其量數者。不取正覺。	15. 「壽命無量願」 16. 「聲聞無數願」
九、我作佛時。十方世界無量刹中。無數諸佛。17.若不共稱嘆我名。說我功德國土之善者。不取正覺。	17. 「諸佛稱歎願」
十六、我作佛時。生我國者。善根無量。32.皆得金剛那羅延身。堅固之力。33.身頂皆有光明照耀。成就一切智慧。獲得無邊辯才。34.善談諸法秘要。說經行道。語如鐘聲。若不爾者。不取正覺。	32. 「那羅延身願」 33. 「光明慧辯願」 34. 「善談法要願」
十七、我作佛時。所有眾生。生我國者。35.究竟必至一生補處。除其本願為眾生故。被弘誓鎧。36.教化一切有情。皆發信心。修菩提行。行普賢道。雖生他方世界。永離惡趣。或樂說法。或樂聽法。或現神足。隨意修習。無不圓滿。若不爾者。不取正覺。	35. 「一生補處願」 36. 「教化隨意願」
十八、我作佛時。生我國者。37.所須飲食。衣服。種種供具。隨意即至。無不滿願。十方諸佛。38.應念受其供養。若不爾者。不取正覺。	37. 「衣食自至願」 38. 「應念受供願」
肆、臨終接引往生彼國願	
十、我作佛時。十方眾生。聞我名號。至心信樂。所有善根。心心回向。願生我國。18.乃至十念。若不生者。不取正覺。唯除五逆。誹謗正法。	18. 「十念必生願」
十一、我作佛時。十方眾生。19.聞我名號。發菩提心。修諸功德。奉行六波羅蜜。堅固不退。復以善根迴向。願生我國。一心念我。	19. 「聞名發心願」

<p>晝夜不斷。20.臨壽終時。我與諸菩薩眾。迎現其前。經須臾間。即生我刹。作阿惟越致菩薩。不得是願。不取正覺。</p>	<p>20.「臨終接引願」</p>
<p>十二、我作佛時。十方眾生。聞我名號。繫念我國。發菩提心。堅固不退。植眾德本。至心迴向。欲生極樂。無不遂者。若有宿惡。聞我名字。21.即自悔過。為道作善。便持經戒。願生我刹。命終不復更三惡道。即生我國。若不爾者。不取正覺。</p>	<p>21.「悔過得生願」</p>
<p>十三、我作佛時。22.國無婦女。若有女人。聞我名字。得清淨信。發菩提心。23.厭患女身。願生我國。命終即化男子。來我刹土。十方世界諸眾生類。生我國者。24.皆於七寶池蓮華中化生。若不爾者。不取正覺。</p>	<p>22.「國無女人願」 23.「厭女轉男願」 24.「蓮華化生願」</p>
<p>伍、他方眾生及菩薩聞名功德願</p>	
<p>十四、我作佛時。十方眾生。聞我名字。歡喜信樂。禮拜歸命。以清淨心。修菩薩行。25.諸天世人。莫不致敬。26.若聞我名。壽終之後。生尊貴家。諸根無缺。27.常修殊勝梵行。若不爾者。不取正覺。</p>	<p>25.「天人禮敬願」 26.「聞名得福願」 27.「修殊勝行願」</p>
<p>二三、我作佛時。十方佛刹。諸菩薩眾。聞我名已。皆悉逮得清淨。解脫。44.普等三昧。諸深總持。住三摩地。至於成佛。45.定中常供無量無邊一切諸佛。不失定意。若不爾者。不取正覺。</p>	<p>44.「普等三昧願」 45.「定中供佛願」</p>
<p>二四、我作佛時。他方世界諸菩薩眾。聞我名者。證離生法。46.獲陀羅尼。清淨歡喜。得平等住。修菩薩行。具足德本。47.應時不獲一二三忍。於諸佛法。48.不能現證不退轉者。不取正覺。</p>	<p>46.「獲陀羅尼願」 47.「聞名得忍願」 48.「現證不退願」</p>